



Sarajevo, 04.05.2026. godine

Broj: 06-06-2-602/26

POZIV

za učešće u fokus grupi predstavnika stručnog obrazovanja i obuke u okviru projekta „Osnaživanje stručnog obrazovanja i obuke na nivou 5 na Zapadnom Balkanu (EDU5WB)”

Vanjskotrgovinska komora Bosne i Hercegovine, kao partner na projektu „Osnaživanje stručnog obrazovanja i obuke na nivou 5 na Zapadnom Balkanu (EDU5WB)”, koji se realizira uz podršku Evropske unije kroz Erasmus+ program, ima zadovoljstvo obratiti Vam se s pozivom za učešće u fokus grupi predstavnika stručnog obrazovanja i obuke (škole, fakulteti, resorna ministarstva i institucije).

Na osnovu Vašeg iskustva, institucionalne uloge i angažmana u oblasti stručnog obrazovanja i obuke, prepoznali smo Vašu instituciju kao relevantnog partnera čiji su uvidi od ključnog značaja za razumijevanje stvarnih kapaciteta, potreba i izazova sistema. Upravo iz tog razloga, želimo da budete dio ove fokus grupe i svojim iskustvom doprinesete oblikovanju konkretnih budućih rješenja u oblasti razvoja kvalifikacija i obrazovnih programa.

Fokus grupa predstavlja strukturisanu diskusiju manjeg broja pažljivo odabranih učesnika, sa ciljem da se kroz razmjenu konkretnih iskustava i stavova identificiraju ključni izazovi i mogućnosti razvoja sistema. U okviru projekta EDU5WB, fokus je na razvoju i unapređenju kvalifikacija na nivou 5 (između srednjeg i visokog obrazovanja), koje zahtijevaju jasno definisane pedagoške, institucionalne i sistemske pretpostavke za uspješnu implementaciju, posebno u sektoru turizma i njegovoj digitalnoj i zelenoj tranziciji.

Vaše učešće podrazumijeva prisustvo **jednom sastanku fokus grupe stručnog obrazovanja i obuke (bez dodatnih obaveza nakon toga)**.

U okviru projekta EDU5WB, cilj fokus grupe je da:

- mapira trenutno stanje kvalifikacija nivoa 5 u sistemu obrazovanja i obuke,
- identifikira institucionalne kapacitete i potrebe za implementaciju programa nivoa 5,
- sagleda regulatorne i sistemske uslove za uvođenje i razvoj ovih kvalifikacija,
- definiše pedagoške i metodološke pristupe (ishodi učenja, evaluacija, praktična nastava),
- procijeni spremnost institucija za implementaciju i dugoročnu održivost programa,
- identifikira ključne prepreke i rizike na sistemskom nivou.



Diskusija će biti organizirana kroz tematske cjeline koje obuhvataju: trenutno stanje i pozicioniranje nivoa 5 u sistemu, njegovu stratešku ulogu i budući razvoj, definisanje ishoda učenja i nivoa kompetencija, dizajn programa i osiguranje kvaliteta, institucionalne kapacitete, te ključne prepreke i rizike implementacije.

Zaključci fokus grupe neće ostati samo na nivou diskusije – oni će biti direktno korišteni za izradu analiza po državama, kao i za razvoj Vodiča za nivo 5 (Level 5 Guide), koji će služiti kao osnova za unapređenje obrazovnih programa i politika u ovoj oblasti. Time Vaš doprinos postaje dio šireg, regionalnog procesa unapređenja sistema stručnog obrazovanja i obuke.

Za učešće u fokus grupi želimo uključiti predstavnike institucija i organizacija koji:

- aktivno učestvuju u realizaciji, razvoju ili upravljanju programima stručnog obrazovanja i obuke,
- imaju iskustvo u razvoju kurikuluma, izvođenju nastave, osiguranju kvaliteta ili upravljanju institucijama,
- mogu dati konkretne uvide o implementaciji kvalifikacija, kapacitetima sistema i izazovima u praksi.

Učesnici fokus grupe bit će ograničeni na manji broj pažljivo odabranih predstavnika srednjih škola, fakulteta i institucija, kako bi se osigurala kvalitetna i sadržajna diskusija. S tim u vezi, zadovoljstvo nam je pozvati **jednog (1) predstavnika Vaše institucije/organizacije da učestvuje na sastanku fokus grupe, koji će se održati u petak, 15.05.2026. godine, s početkom u 10.00 sati, u prostorijama Vanjskotrgovinske komore BiH (velika sala u prizemlju), ulica Branislava Đurđeva 10, Sarajevo.**

Poželjno je da predloženi predstavnik Vaše institucije/organizacije bude:

- nastavnik ili trener u oblasti turizma i srodnih sektora,
- instruktor praktične nastave u oblasti turizma i srodnih sektora,
- koordinator praktične nastave ili saradnje sa poslodavcima (učenje temeljeno na radu/WBL),
- direktor ili rukovodilac obrazovne institucije ili centra za obuku,
- predstavnik visokoškolske ustanove relevantne za sektor turizma ili razvoj kvalifikacija,
- stručnjak za razvoj kurikuluma i kvalifikacijskih standarda,
- stručnjak za osiguranje kvaliteta u obrazovanju,
- predstavnik resornog ministarstva, nadležne institucije ili tijela za kvalifikacije.


Cijenili bismo fizičko prisustvo predstavnika Vaše institucije/organizacije. U slučaju nemogućnosti dolaska, omogućeno je i online učešće putem Zoom platforme. Predviđeno trajanje sastanka je oko 2 sata i 30 minuta.

Molimo Vas da učešće potvrdite popunjavanjem **online prijavnog obrasca** najkasnije do utorka, 12. maja 2026. godine u 12:00 sati.

Link za online prijavi obrazac: <https://forms.gle/Fu8Ngiz1wsH4rN9k9>



Co-funded by
the European Union



Za dodatne informacije stojimo Vam na raspolaganju:

- Telefon: +387 33 566 204, +387 33 566 200
- e-mail: mirza.konjo@komorabih.ba, edukacija@komorabih.ba

Unaprijed zahvaljujemo na Vašem vremenu i spremnosti da svojim znanjem i iskustvom doprinesete razvoju kvalitetnijeg i funkcionalnijeg sistema stručnog obrazovanja i obuke.

Vanjskotrgovinska komora Bosne i Hercegovine



PROGRAM

fokus grupe predstavnika stručnog obrazovanja i obuke u okviru projekta „Osnaživanje stručnog obrazovanja i obuke na nivou 5 na Zapadnom Balkanu (EDU5WB)”

Sarajevo/Online, 15.05.2026.

Satnica	Sadržaj/Aktivnost
09.30 – 10.00	Registracija učesnika
10.00 – 10.15	UVODNI DIO <ul style="list-style-type: none">• Predstavljanje projekta EDU5WB i ciljeva WP2.• Kratko objašnjenje pozicioniranja EQF nivoa 5 u okviru NQF/EQF sistema.• Naglasak na svrhu diskusije – procjena izvodljivosti, sistemskih zahtjeva i implikacija uvođenja ili jačanja nivoa 5.• Objašnjenje pravila povjerljivosti i načina korištenja prikupljenih podataka.
10.15 – 10.35	BLOK 1: Trenutni status EQF nivoa 5 i sistemske praznine <p>Razmatranje trenutnog statusa EQF nivoa 5 u kvalifikacijskom okviru BiH, uključujući stepen njegovog formalnog priznanja i stvarne primjene u praksi. Diskusija o postojećim regulatornim, institucionalnim i operativnim prazninama u implementaciji ovog nivoa.</p>
10.35 – 10.55	BLOK 2: Strateška uloga i buduće pozicioniranje nivoa 5 <p>Fokus je na strateškoj ulozi i dodanoj vrijednosti EQF nivoa 5 u sistemu stručnog obrazovanja i obuke. Razmatra se njegovo pozicioniranje u odnosu na zapošljivost, karijerni razvoj, daljnje obrazovanje te odgovori na digitalne i zelene tranzicije u sektoru turizma.</p>



10.55 – 11.15	BLOK 3: Ishodi učenja i nivo kompetencija Analizira se diferencijacija nivoa 5 u odnosu na druge kvalifikacijske nivoe, posebno nivo 4 i visoko obrazovanje. Poseban fokus je na stepenu autonomije, odgovornosti i definisanju kompetencija koje ovaj nivo treba da obuhvati.
11.15 – 11.35	BLOK 4: Dizajn programa, pedagogija i osiguranje kvaliteta Razmatranje ključnih elemenata dizajna programa nivoa 5, uključujući strukturu, odnos teorije i prakse te ulogu učenja na radnom mjestu. Također se diskutuje o mogućnostima modularizacije, mikro-kvalifikacija i zahtjevima za osiguranje kvaliteta.
11.35 – 11.55	BLOK 5: Institucionalna spremnost i kapaciteti Procjenjuje se spremnost i kapacitet institucija za stručno obrazovanje i obuku za implementaciju i realizaciju programa nivoa 5. Identifikacija ključnih potreba za jačanje institucionalnih, kadrovskih i tehničkih resursa.
11.55 – 12.15	BLOK 6: Sistemske prepreke i rizici implementacije Razmatraju se ključne prepreke koje mogu otežati uspješnu implementaciju nivoa 5. Poseban fokus je na mogućim pravnim i političkim barijerama, riziku nedovoljne potražnje te institucionalnom otporu prema uvođenju ovog nivoa.
12.15 – 12.25	ZAKLJUČCI I ZAVRŠNA RIJEČ Sažimanje ključnih nalaza i validacija glavnih poruka. Završno pitanje: Koji je najvažniji korak za uspješno uvođenje ili jačanje nivoa 5 u sistemu stručnog obrazovanja i obuke u BiH?
12.25 –	Zakuska i umrežavanje (networking) između učesnika